



Na osnovu člana 50. Poslovnika Predstavničkog doma Parlamentarne skupštine Bosne i Hercegovine (“Službeni glasnik BiH”, br. 33/06, 41/06, 81/06, 91/06, 91/07, 87/09 i 28/12) i člana 44. Poslovnika Doma naroda Parlamentarne skupštine Bosne i Hercegovine (“Službeni glasnik BiH”, br. 33/06, 41/06, 91/06, 91/07 i 32/12), **Zajednička komisija za ekonomske reforme i razvoj Parlamentarne skupštine Bosne i Hercegovine**, na 10. sjednici održanoj 13. 2. 2013. godine, usvojila je

IZVJEŠTAJ O RADU ZAJEDNIČKE KOMISIJE ZA EKONOMSKE REFORME I RAZVOJ ZA 2012. GODINU

Uvodne napomene

Zajednička komisija za ekonomske reforme i razvoj (u daljnjem tekstu: Komisija) je stalno radno tijelo Parlamentarne skupštine Bosne i Hercegovine. Njena nadležnost je regulirana odredbama člana 56. Poslovnika Predstavničkog doma (“Službeni glasnik BiH”, br. 33/06, 41/06, 81/06, 91/06, 91/07, 87/09 i 28/12) i člana 50. Poslovnika Doma naroda (“Službeni glasnik BiH”, br. 33/06, 41/06, 91/06, 91/07 i 32/12).

Na 2. sjednici Predstavničkog doma, održanoj 9. 6. 2011., izabrani su članovi Komisije: Danijela Martinović, Petar Kunić, Boško Tomić, Azra Hadžiahmetović, Zijad Jagodić i Dragan Čović, a na 2. sjednici Doma naroda, održanoj 29. 6. 2011., izabrani su: Halid Genjac, Hasan Bećirović, Dragan Čović, Krunoslav Vrdoljak, Mladen Ivanić i Krstan Simić.

Odlukom o razrješenju i imenovanju člana Zajedničke komisija za ekonomske reforme i razvoj, donešenoj na 5. sjednici Predstavničkog doma, održanoj 14. 7. 2011., („Službeni glasnik BiH“, broj 59/11), od 25. 7. 2011., Petar Kunić razriješen je dužnosti člana Komisije, dok je Nikola Špirić imenovan za člana Komisije.

Odlukom o izmjenama odluke o izboru članova Zajedničkih komisija oba doma Parlamentarne skupštine Bosne i Hercegovine, donešenoj na 24. sjednici Predstavničkog doma, održanoj 15. 3. 2012., („Službeni glasnik BiH“, broj 24/12), od 27. 3. 2012., Nikola Špirić razriješen je dužnosti člana Komisije, a za člana Komisije imenovan je Saša Bursać. Također, pomenutom Odlukom, Dragan Čović razriješen je dužnosti člana Komisije, a za člana Komisije, u ime Predstavničkog doma, imenovan je Dragan Vrankić.

Na Konstituirajućoj sjednici Komisije, održanoj 7. 7. 2011., Danijela Martinović izabrana je za predsjedavajuću Komisije, Krstan Simić izabran je za prvog zamjenika predsjedavajuće Komisije, dok je Hasan Bećirović izabran za drugog zamjenika predsjedavajuće Komisije.

Kolegij Predstavničkog doma, na 44. sjednici, održanoj 12. 2. 2008. godine i Kolegij Doma naroda, na 10. sjednici, održanoj 18. 2. 2008. godine, donijeli su Rješenje o imenovanju kojim se Amer Bekrić imenuje na radno mjesto sekretara Zajedničke komisije za ekonomske reforme i razvoj. Imenovani je stupio na dužnost 3. 3. 2008. godine.

Pravilnikom o unutrašnjoj organizaciji i sistematizaciji radnih mjesta u Sekretarijatu Parlamentarne skupštine BiH, u Uredu sekretara Komisije je sistematizirano mjesto stručnog saradnika, koje je popunjeno 1. 4. 2012. godine.

Komisija je od konstituisanja radila na provođenju obaveza utvrđenih poslovnica, kao i obaveza koje su joj određene odlukama kolegija domova.

Opšti podaci o sjednicama Komisije i prisustvo sjednicama

Opštim odredbama o komisijama domova i opštim odredbama o zajedničkim komisijama oba doma utvrđenim poslovnica regulisano je: osnivanje zajedničkih komisija; broj i struktura članova komisije; dužnosti; organizacija rada; sazivanje sjednica; donošenje odluka komisije; saradnja s drugim komisijama i tijelima; metode rada; osnivanje potkomisija ili radnih grupa.

U periodu od 1. 1. do 31. 12. 2012. Komisija je održala pet sjednica.

Prisustvo članova sjednicama Komisije izraženo u procentima bilo je 68,18%.

Sjednice Komisije su trajale u prosjeku po jedan sat i 44 minute.

Aktivnosti na sjednicama praćene su zapisnički. Zapisnike sjednica vodi sekretar Komisije prema usvojenim tačkama dnevnog reda po utvrđenoj poslovničkoj proceduri i metodologiji. U saradnji s predsjedavajućim i članovima Komisije, konačan tekst zapisnika definira se i dostavlja na lektoriranje na jezike u službenoj upotrebi u BiH.

Interna organizacija i procedure

Prema planovima aktivnosti domova iz nadležnosti Komisije, koje određuju kolegiji Predstavničkog doma i Doma naroda, predsjedavajući Komisije, u saradnji sa sekretarom, organizuje i zakazuje sjednicu s prijedlogom dnevnog reda.

Planovi aktivnosti Komisije i njenih članova utvrđuju se prema orijentacionim radnim planovima domova i orijentacionom radnom planu Komisije.

Sjednici Komisije treba da prisustvuje najmanje sedam njenih članova, uz uslov da je prisutna najmanje polovina članova iz svakog doma, kako bi mogli pravovaljano odlučivati.

Komisija odlučuje prostom većinom članova koji su prisutni i glasaju, uz uslov da ta većina sadrži jednu trećinu članova svakog doma koji su prisutni i glasaju i jednog predstavnika iz konstitutivnih naroda.

Rezultati glasanja, prijedlozi i zaključci koje Komisija usvoji, zapisnički se konstatiraju za svaku tačku dnevnog reda.

Izveštaje koje Komisija podnosi domovima priprema sekretar Komisije u saradnji s predsjedavajućim, a prema potrebi i ostalim članovima Komisije kada to nalažu određeni razlozi.

Zakonodavna aktivnost

Komisija je u periodu januar – decembar 2012. godine razmatrala jedan prijedlog zakona, i to:

1. Prijedlog zakona o popisu stanovništva, domaćinstava i stanova u Bosni i Hercegovini 2011. godine (predlagač: Predstavnički dom Parlamentarne skupštine BiH).

Predstavnički dom Parlamentarne skupštine BiH, u svojstvu ovlaštenog predlagača, 02. 7. 2010. godine, u skladu sa članom 122. stav (1) Poslovnika Predstavničkog doma Parlamentarne skupštine BiH, dostavio je Domu naroda Parlamentarne skupštine BiH navedeni zakon radi razmatranja i usvajanja. Kolegij Doma naroda Parlamentarne skupštine BiH je na 44. sjednici, održanoj 06. 7. 2010. godine, u skladu sa članom 95. stav (2) Poslovnika Doma naroda Parlamentarne skupštine BiH, odredio Zajedničku komisiju za nadležnu za Prijedlog zakona. Svoju odluku Kolegij Doma naroda Parlamentarne skupštine BiH zasniva na utvrđenoj nadležnosti Komisije iz člana 50. stav (1) alineja j) Poslovnika Doma naroda Parlamentarne skupštine BiH.

Komisija je, na sjednici održanoj 12. 1. 2012. godine, prihvatila tekst Prijedloga zakona sa usvojenim amandmanima, te predložila Domu naroda da usvoji Prijedlog zakona o popisu stanovništva, domaćinstava i stanova u Bosni i Hercegovini 2011. godine (predlagač: Predstavnički dom Parlamentarne skupštine BiH).

Na 11. sjednici, održanoj 1. 2. 2012. godine, s dvanaest amandmana, Dom naroda Parlamentarne skupštine BiH usvojio je Zakon popisu stanovništva, domaćinstava i stanova u Bosni i Hercegovini 2013. godine.

Na sjednici Zajedničke komisije za usaglašavanje teksta Zakona o popisu stanovništva, domaćinstava i stanova u Bosni i Hercegovini 2013. godine, održanoj 3. 2. 2012. godine jednoglasno je prihvaćen tekst Zakona sa usvojenim i usaglašenim amandmanima, Predstavničkom domu i Domu naroda Parlamentarne skupštine BiH dostavljen je Izvještaj kojim je predloženo usvajanje istog i prihvatanje jedinstvenog teksta Zakona o popisu stanovništva, domaćinstava i stanova u Bosni i Hercegovini 2013. godine.

Na 12. sjednici održanoj 3. 2. 2012. godine, Dom naroda je, usvojio Zakona o popisu stanovništva, domaćinstava i stanova u Bosni i Hercegovini 2013. godine.

Na 21. sjednici održanoj 3. 2. 2012. godine, Predstavnički dom je, usvojio Zakon o popisu stanovništva, domaćinstava i stanova u Bosni i Hercegovini 2013. godine.

Informativne aktivnosti

U izvještajnom periodu Komisija je razmatrala i druge akte koji nisu zakonodavnog karaktera, i to:

1. Inicijativa poslanika Stranke za Bosnu i Hercegovinu, broj: 01/a-50-1-15-14/11 od 24.11.2011. godine
2. Izvještaj o radu Zajedničke komisije za ekonomske reforme i razvoj za 2011. godinu
3. Orjentacioni radni plan Zajedničke komisije za ekonomske reforme i razvoj za 2012. godinu
4. Materijal Direkcije za ekonomsko planiranje BiH „Bosna i Hercegovina Ekonomski trendovi – Godišnji izvještaj 2011. godine“ i Informacija o kretanju makroekonomskih pokazatelja januar/siječanj-mart/ožujak 2012. godine
5. Odgovora na upit Zajedničke komisije za ekonomske reforme i razvoj vezan za stanje ispunjenosti obaveza na euro-atlantskom putu Bosne i Hercegovine, zaprimljen od Direkcije za ekonomsko planiranje BiH
6. Prezentacija aktivnosti Direkcije za ekonomsko planiranje BiH
7. Prezentacija aktivnosti Instituta za akreditiranje BiH
8. Prezentacija aktivnosti Instituta za standardizaciju BiH
9. Prezentacija aktivnosti Agencije za statistiku BiH
10. Prezentacija aktivnosti Agencije za rad i zapošljavanje BiH
11. Prezentacija aktivnosti Agencije za unapređenje stranih investicija u BiH

12. Druga konferencija Mreže parlamentarnih odbora za finansije i ekonomiju zemalja Zapadnog balkana, Miločer, Crna Gora, 26.-28. 10. 2012. godine - Izvještaj sa službenog putovanja

Ostale aktivnosti Komisije

Komisija je, u saradnji sa Fondacijom Konrad Adenauer i USAID Projektom jačanja parlamenta u Bosni i Hercegovini, organizirala seriju konferencija, koje su za cilj imale upoznavanje poslanika i delegata Parlamentarne skupštine Bosne i Hercegovine, entitetskih parlamenata i Skupštine Brčko Distrikta Bosne i Hercegovine, sa aktualnim i relevantnim ekonomskim temama u kontekstu EU-integracija Bosne i Hercegovine. Konferencijama su prisustvovali i uzeli učešće predstavnici niza relevantnih međunarodnih organizacija u Bosni i Hercegovini (Svjetska banka - IFC, Delegacija Evropske Unije u Bosni i Hercegovini i td.), diplomatsko-konzularnih misija u Sarajevu, te institucija Bosne i Hercegovine, Ministarstava, Direkcija i Agencija kako Bosne i Hercegovine, tako i entiteta. Posebno je značajno naglasiti učešće bh. poslovne i akademske zajednice. Konferencije su dobro primljene i pozitivno ocijenjene od javnosti, praćene su od velikog broja bh. pisanih i elektronskih medija, a o njima je izvještavano u pozitivnom smislu.

Tokom 2012. godine Komisija je organizirala četiri Konferencije, i to:

1. Konferencija: „Implikacije ulaska R. Hrvatske u EU na BiH“, održana 26. 3. 2012.,
2. Regionalna konferencija: „Okvir, korist i troškovi obnovljivih izvora energije na Zapadnom Balkanu“, 25. 4. 2012.,
3. Konferencija: „Mjeriteljstvo, akreditacija, standardizacija – evropski put BiH“, održana 3. 7. 2012.,
4. Konferencija: „Strategija promoviranja i rasta izvoza BiH“, održana 11. 12. 2012.

Obzirom na prisustvo predstavnika diplomatsko-konzularnih predstavništava sa sjedištem u Sarajevu, te predstavnika vlada drugih zemalja, konferencije su imale međunarodni karakter, a bavile su se pitanjima koja su od općenitog interesa za zemlje regiona (R. Srbija, R. Crna Gora, R. Makedonija, R. Hrvatska).

Konferencija: „Implikacije ulaska R. Hrvatske u EU na BiH“, održana 26. 3. 2012. godine

Osnovne značajke Konferencije: „Implikacije ulaska R. Hrvatske u EU na BiH“, održane 26. 3. 2012. godine, odnose se na ogromnu pažnju koju je izazvala, kako od strane učesnika, tako i medija. U prilog ovim navodima govori činjenica da je kapacitet Plave Sale (oko 120 mjesta za sjedenje) u potpunosti ispunjeni, dodato je još 40 stolica, a sama konferencija je bila top tema u medijskom prostoru, o kojoj su izvještavali (i na koje su se referirali) bh. mediji tokom narednog perioda. Konferencija je imala međunarodni karakter uz učešće predstavnika Ministarstva vanjskih i evropskih poslova R. Hrvatske. Značajna karakteristika je i to što je tokom održavanja Konferencije realizirana saradnja sa Zajedničkom komisijom za evropske integracije Parlamentarne skupštine Bosne i Hercegovine, kao i predstavnicima Parlamenta Federacije Bosne i Hercegovine i Narodne skupštine Republike Srpske.

Regionalna konferencija: „Okvir, korist i troškovi obnovljivih izvora energije na Zapadnom Balkanu“, održana 25. 4. 2012.

Obzirom na samu temu konferencije, te odaziv učesnika iz drugih zemalja (Njemačke, Srbije, Hrvatske) Konferencija: „Okvir, korist i troškovi obnovljivih izvora energije na Zapadnom Balkanu“, održana 25. 4. 2012. godine, imala je prevashodno regionalni karakter. Odziv

Konferenciji bio je dosta dobar, prisustvovalo je preko 100 učesnika. I ova konferencija je bila izuzetno dobro medijski praćena.

Konferencija: „Mjeriteljstvo, akreditacija, standardizacija – evropski put BiH“, održana 3. 7. 2012. godine

Konferencija: „Mjeriteljstvo, akreditacija, standardizacija – evropski put BiH“, održana je 3. 7. 2012. godine, uz ućešće predstavnika Delegacije Evropske unije u Bosni i Hercegovini, Direkcije za evropske integracije BiH, te Instituta za mjeriteljstvo, Instituta za akreditiranje i Instituta za standardizaciju. Prezentacije su, obzirom na stručnost i specijaliziranu tematiku, bile prilagoćene nivou poznavanja materije slušaoca. Odziv Konferenciji bio je dobar, prisustvovalo je oko 70 učesnika, uz znaćajan broj poslanika i delegata, što iz PS BiH, što iz entitetskih parlamenata. I ova konferencija je bila izuzetno dobro medijski praćena.

Konferencija: „Strategija promoviranja i rasta izvoza BiH“, održana 11. 12. 2012. godine

Konferencija: „Strategija promoviranja i rasta izvoza BiH“, održana je 11. 12. 2012. godine, uz ućešće visoko pozicioniranih zvanićnika institucija Bosne i Hercegovine, entitetskih parlamenta, poslovne i akademske zajednice u BiH, kao i predstavnika niza relevantnih mećunarodnih organizacija u Bosni i Hercegovini (Svjetska banka - IFC, Delegacija Evropske unije u Bosni i Hercegovini i td., kao i predstavnika diplomatsko-konzularnih predstavništava stranih država u Sarajevu. Cilj konferencije bio je da doprinese naporima na promoviranju i rastu izvoza Bosne i Hercegovine, odnosno balansiranju trgovinskog bilansa Bosne i Hercegovine.

Takoćer, napominjemo da je Komisija u svom radu usvajala zakljućke, koje je dostavljala u daljnju proceduru kolegijima domova.

Saradnja sa drugim institucijama i organizacijama

Komisija je imala kontinuiranu saradnju sa Direkcijom za ekonomsko planiranje BiH, Agencijom za statistiku BiH, Agencijom za unaprećenje stranih investicija BiH (FIPA), Agencijom za rad i zapošljavanje BiH, Institutom za intelektualno vlasništvo BiH, Institutom za akreditiranje BiH, Institutom za standardizaciju BiH, ćiji su predstavnici prisustvovali sjednicama Komisije i ućestvovali u raspravama o zakonima i aktima koji su razmatrani na sjednicama.

Mećunarodne aktivnosti

Komisija je održavala naroćito intenzivnu saradnju sa predstavnicima mećunarodne zajednice u BiH, prije svega USAID-a – Projektom jaćanja Parlamenta i Fondacijom Konrad Adenauer.

Pored uspostavljenih odnosa sa predstavnicima mećunarodne zajednice koji djeluju u oblastima u kojima Komisija ima odrećene nadlećnosti, u izvještajnom periodu upostavljena je saradnja i sa Uredom IFCa u Sarajevu (Mećunarodna finansijska korporacija, ćlanica grupe Svjetske banke), te Delegacijom Evropske unije u Bosni i Hercegovini.

Znaćajan segment mećunarodnih aktivnosti Komisije odnosi se na aktivno ućešće u radu Regionalne mreće parlamentarnih odbora za ekonomiju i finansije zemalja zapadnog Balkana.

U tom smislu, uz saradnju Westmisterske fondacije za demokratiju i Instituta ekonomskih nauka, Beograd, Komisija je bila domaćin sastanka održanog 23. 4. 2012. u Sarajevu, na kome su učestvovali predsjedavajući ili zamjenici Komisija za finansije i budžet oba doma Parlamentarne skupštine BiH, Zajedničke komisije za evropske integracije, kao i institucija Vijeća ministara BiH – Direkcije za ekonomsko planiranje BiH, Direkcije za evropske integracije BiH i Agencije za unapređenje stranih investicija u BiH. Tokom sastanka izvršena je prezentacija aktivnosti Westmisterske fondacije za demokratiju, ali i same ideje Regionalnog projekta: „Linija presjeka regiona“.

Drugi korak pomenute saradnje odnosi se na učešće predsjedavajuće Komisije na Drugoj konferenciji Mreže parlamentarnih odbora za finansije i ekonomiju zemalja Zapadnog balkana, održane u Miločeru, Crna Gora, 26. - 28. 10. 2012. godine. Konferencija je posvećena jačanju uloge parlamenta i vlada u promociji konkurentnosti i ekonomskog rasta. Učešće na Konferenciji su uzeli predstavnici parlamenata i vlada Srbije, Crne Gore, Albanije, Makedonije i Bosne i Hercegovine.

Rezultati rada Komisije

Na osnovu navedenih aktivnosti, može se zaključiti da je Komisija realizirala postavljene zadatke.

Opća procjena i sugestije

Imajući u vidu opis poslova i utvrđene poslovničke procedure, može se konstatirati da su se, u izvještajnom periodu, aktivnosti Komisije odvijale nešto manjim intenzitetom, dok se u narednom periodu očekuje značajan rast aktivnosti.

Predsjedavajuća Zajedničke komisije

dr. Danijela Martinović